

آبونه شرائطی

ممالك عثمانیه سنده لکی (۶۵) ، التي
آیلغی (۶۵) عروشد .
ممالك اجنبیه سنده لکی (۱۷) ، التي
آیلغی (۱۹) فرانقدر .

اداره خانه

باب عالی چاده سنده دائره مخصوصه

امطارات

آبونه بدلی پشندر .

§

مسلكه موافق آثار مع المذنبویه قبول
اولنور . دج ایدله یین یازیلر اعده
اولونماز .

تذکره

س ۱۰۱۰۰ ۱۳۳۰

امطارات

رساله مزدن آندیغی سوتلمك شرطيله
یتون یازیلری هر هانکی برغزته طرفندن
اقتباس اولونه بیلیر .

§

مکتوبلرک ، امضالرک واضح و اوقو ناکی
اولسی و آبونه صره نومروسی محتوی
بولونمسی لازمدر .

§

ممالك اجنبیه ایچسون آبونه اولانلرک
آدرس لرینک فرالسزجه ده یازلمسی رجا
اولنور .

§

پاره کوندرلدیکی زمان نه ییادائر اولدیغنک
واضحاً بیلدیلمسی رجا اولنور

ژاپونیا، مکتوبی:

آلتی تبغه، بر سفارتخانه

توکبوده شیلی سفارتخانه

توکبوده دول معظمه دن جله سنک سفارتخانه لری بولوندی کبی آمریکای جنوبیده کی شیلی، آرژانتین، مکسیقا و سائر جمهوریتلرکده آیری آیری سفارتخانه لری موجوددر.

بوندن بر قاج کون اقدم احبامدن بارون قاندا جنابلری بی (شیلی) جمهوریتک توکیو سفارتخانه سی سرکابی (آرتور، قاهره را) نامنده اصیل ونجیب سیالی شیلی کنج بر دیپلوماته، خانه سنده انعقاد ایدن بر اجتماع اناسنده تقدیم ایتشدی. عمرمه برنجی دفعه اولمق اوزره راست کلدیکم بوشیلی بنم نظر دقتی بر قاج جهندن جلب ایتدی. اجتماع ختامده بارون جنابلرینک خانه سندن برابر چیقوب یاه اش یاواش خانه لر مزه طوغری یورورکن (شیلی) نک تاربخندن، حال حاضرندن، اوراده عثمانلی لک بولونوب بولونمیدیندن سؤال ایراد ایدرک. مباحثه ایدبوردم. نهایت ژاپونیا ده نه قدر شیلی بولوندیغی صوردم. دردی سفارتخانه ارکانی اولمق شرطیه مجموعی آلتی شیلی بولوندیغی سوله دی!

بو قدر تبغه قوجه بر سفارت ... حیرتلا یچنده قالدیم!

«حیرته حقکز وار، دیدی، لکن اون سنه اولنه قدر بورایه یالکیز بر شیلی سیاحدن باشقه کیمسه کله مشدی. ایشه شو ذات وطن ایله ژاپونیا بیننده کی مناسباته، آکلاشمیه وسیله اولمشدر. بو ذلک همت وغیرتی نتیجه سی اولارق ایوم بورایه ادخالتمز، سنوی اوتوز بیک طونیا لویه ایرمشدر. ژاپونیا یه ادخالتمز بیکون نقدیسی ۵۰ - ۵۰ میلیون راده سنده، اخراجا تمزده بش ملیوندن بر آرزدها فضله مقداردهدر. بو عددلرک سنه دن سنه یه آرتدیغی ده مسرتله کورپوز. خصوصاً صوک ژاپون - آمریکا اختلافندن صوکره بومبلغ بر آرزدها سرعتله تزایده یوز طوتمشدر شیلی دهده ژاپونلرک آزدرد. مجموعی ۲۰۰ راده سنده درلر. بونلرک قسم اعظمی مهاجر وعمله ژاپونلر اولوب اوراده یرلشمشدر. (شیلی) ده اک محترم مهاجرلر عثمانلی و ژاپونیا لیلردر.

«بو ایکی ملت اک ساکت، اک ایشکدار و چالیشدیغی هلاک ایتیز مقتصد ملتدندردر.

«شیلی ده وطندا شاریکزدها چوقدر. شهرلرک اک معتبرسکنه سندن معدود اولدقلری کبی کویلدده کندیلرینه مکتبلر بنا ایده جک قدر جدی بر حیات اجتماعی به مالکدرلر.»

یالکیز بش میلیون لیرالق بر تجارت ایچون بر سفارت تأسیسندن و بیکرله باره صرف ایتمکدن، ایکی تبغه ایچون درت سیاسی مأموری استخدام ایتمکدن ناضل بر فائده حاصل اولابیلیر؟ دیه صوردیغیم دیگر سؤالده شدله جواب ویردی:

— سفارت و آنرا ایچون صرف اولنان باره لک قیمتی و درجه استحقاق او مأموریتده بولنان ذواتک استعدادینه کوره تبدل ایدر. سفارت وظیفه سنی ایفا ایتمکده اولان رجل حاضرک توکیو یه ابتدای ورودنده شیلی اولارق کنديسندن ماعدا بوراده کیمسه بولامدی حلاله وطنمیزک تجارتی بورایه قدر کتیرمشدر. هر نه قدر شمديکی مصارفز یک بیوک، فوآندمز یک جزئی ايسه ده یک یقینده بونک فضله سیله قاباناجنی امید ایدیورز. تأسیسه غیرت ایتمکده اولدیغیز ملتین بیننده کی مناسبات صمیمه سیاسیه ده یا تمزده کار قالاچقدر. ایوم آمریکای شمالی جواهر متفقه سنک حرکاتی بتون جنوبی آمریکا جمهوریتلری قورقویه دوشورمشدر. بو قورقو و احتراز بزی ژاپونلر ایله یافلاشمیه مجبور ایدیور. یقینده جنوبی جمهوریتلرله ژاپونیا آراسنده بر ائتلافک تأسیسده امید ایده. بیلیرز. چونکه دشمنمیز بر در. لاتین آمریکا تسمیه اولنان جنوبی آمریکانک حیات مستقبلی ژاپونیا ایله ائتلاف ویا اتفاقه مربوطدر. شمديکی اقتصادی مناسبتلر ایشه شو مقارننه وسیله اولمق ایچون یکانه واسطه حکمندهدر.

خانه مه عودت ایتدیکم زمان کندی کندیغه (قاهره) جنابلرینک «اقتصادی مناسبتلر سیاسی مقارنلره وسیله در» دیدیکی صوک سوزنی کندی کندیغه تکرار ایدیوردم. بر آرز دوشوندکن صوکره: دیمک تجارت خارجی به هوس ایدن تجار، وطنلرینک اک بیوک وفداکار حامی لریدر، دیوردم.

بر قاج سنه لردن بری دولت علیه ایله ژاپونیا ایمپراطورلنی بیننده بر تجارت مقاوله سی مذاکره اولونمقده اولدیغندن، بر آرائق انقطاعندن، صوکراده تکرار مذاکره مباشرت اولونمقندن بحث اولوندی. حتی سعید پاشا مرحومک «خاطرانه» نظراً بو، ربع عصرلق ماضی به مالک بر مسئله در. حکومت سنیه بویوله بر حرب کمی سنی: «ارطغرل» ی فدا ایتدیکی کبی، عثمان پاشا نامنده بر رجل مقتدرینی، بر قاج یوزده نفرینی فدا ایتشدر. فقط بو قدر مساعی به، فدا کارلغه رغماً بر آدم اولسون ایلری کیدیله مه مشدر.

سبی؟ بو مذاکرات، رجال سیاسیه نک دیدیکنه کوره، هر ایکی ملتک مناسبات اقتصادی و سیاسیه سنده نقاط مشترک بولونمقندن اینرو کلیمکدهدر. لکن ایشیتدیکم کوره بو مذاکره لر بو کونه قدر هیچ بروقت طوغری دن طوغری به دولتین رجالی بیننده مذاکره اولونمایوب دولت نالته — بعضاً روسیه (!)، بعضاً انگلتره، بعضاً آلمانیا — نک وساطتی ایله اورتیه قوممشدر. نتیجه ده سیمسارلرک آرزوسنه موافق روشده، شو حاله منجر اولمشدر. جدیت و موقعک واضح صورتده ادراک اولونمقده سی ايسه شمديکی شیلی — ژاپونیا ویا مکسیقا — ژاپونیا مناسباتی تولید ایتدیکی حلاله، تسبب وعدم ملاحظه بو کونکی عثمانلی ژاپونیا مذاکراتک منجر اولدیغی نتیجه حاضرینی تولید ایتمکده و اوستنده سفینه لر، دوتک نان ونعمتی وطننه مفید اولمق آرزوسیه یش بیکرله آدملر فدا ایتدیرمکدهدر.

بوقدر فلا کتله هب یولد اشراق، صمیمی آرقداش لک یوقانی سایه -
سندہ دوچار اولد قدن، یالکنز لک آهنی بر عصره یقین زماندن بری
چکد کدن صوکره آرتق، عبرتله شایان تجربہ لری فضلہ سیله کچیرد لک ظن ایدرم.
بر شبلی لینک سیاحت ایدرکن کوردیکی، ادراک ایدہ بیلدیکی بوقدر منافع
عظیمه یی، آرتق ربع عصردن بری آرزوق مناسباتده بولوندیغمز
زایونیا ده بولوب بولامیاجمعه دأثر کافی مقدارده ادله وامثله صاحبی ز
ظن ایدرم.

بو بر عصرلق یالکنز لک دورہ مزده کیملرک بزه نه قدر دوست
اولا بیله جکندی آکلامشدر. دون تأسس ایدن اوچوک جمهوریتلر
بوکون قوجه اتحادلر وجوده کتیره رک شرقده بر قوت عظمی صاحبی
اولوق، عالمی کندی آرزولرینه تابع امرایتمک ایستہ دکلری حالده، بالفان
حکومتلری اتحاد واشتراکریله بزی طاووق کبی بولدقلری حالده حالا
آمان آوروپالی یی اورکوتمه یلم، آمان دول معظمه یی قوشقه ولاندرمایلم!!
سیاستده دوکول کدن صوکره آزاردن قورقق فلاکتی، حتی منافع
مبرمه مزری تأمیندن استنکاف درجه سندہ کی مسکنت، اوردم طویملز لک
مسلمکی کیم بیلیر بزی ده زمرله سوروکلہ یه جکدر.

حالا بر کتله یه التحاقدن، یاخود کندیغمز مفید برکتله احضارندن،
اجتناب ایدیورسه ق «انا لله وانا الیه راجعون...» ی اوقوش
اولامیزی ز؟ آرتق وقت کلشدر ظن ایدرم.

حکومت حاضرہ مزک بو مسائل حقده نه فکرده اولدیغندن خبردار
دکم. معلوم اولان بر شی وارسه اوده وطنلری ممالک سائرہ شرقیه
وغربیه ده طانیما یه هوس ایدن اسلام وناموسکار تجارک اسمارینه راست
کله میشمدر.

وطنپرور و متشبث حکومت حاضرہ مزک «بیوک قاینه...» لره
عبرت بخش فعالیت واصلتہ صرف قوت وکیاست ایتدیکنی نه قدر
کورمک ایستہ دیکزی آکلامق ایچون بر قاج متشبث تجارکنج لرمزک
توکیویه قدر اختیار زحمت ایتہ لری تمی ایدرم. عبدالرشید ابراهیم اوغلو

توکیو: احمد منیر

مہستانہ مکتربلری:

دارالافتادہ محترم «سبیل الرشاد» ادارہ علیہ سہ

محترم سبیل الرشاد مزک ۳ نیسان سنہ ۱۳۳۰ تاریخی نسخہ سندہ
«الشعب غزتہ سنک عدندن آلدینی بر مکتوبده بیان اولوندیغنه کوره
اخیراً حبش حکومتہ نابع جیوتی قصبہ سندہ حیتمندان اسلامیہ طرفندن
عثمانی دولتاسی ایچون درت یوز انکلیز لیراسی اعانہ طوبلا نمشدر.»
مآلندہ بر فقرہ منظوم اولدی.

جیوتی اساساً حبشستان داخلندہ اولماقلہ برابر حرارده مقیم
حبشستان باش شہیندرمز «مظہر» بک افندی جیوتیدہ مقیم اخوان
محترمه مزکده دونامای عثمانی اعانہ سنہ از دل وجان اشتراک ایدہ جکارندہ

شہہ ایتدیکندن شہیندر خانہ جہ معتمد ایک ذاتی برای تشویق شہر
مذکورہ کوندرمش ایدی. بونک اوزرینہ جیوتی اغنیاء اسلامیہ سندن
موقت بر اعانہ انجمنی تشکیل ایدیله رک او معرفتله (۱۶۷۰) فراق
(۹۲) ساسم اعانہ جمع وشہیندر خانہ یه ارسال اولمش وبو صرده
جیوتی تجارندن یمنی عبدالواسع افندی قرق وعلی کیش یکریمی انکلیز
لیراسی اعانہ اعطاسنی وعد وتعهدله اعانہ دفترینہ قید ایتدیرمشلر سده
شمدی یه قدر شہیندر خانہ یه بر موجب تعهد اعانہ اچہ سنی کوندرمه مشلردر.
جیوتیدہ مصرلی مصطفی افندی بیومی اون انکلیز لیراسی ویملی شیخ
حمودی افندی ده ایکبوز ریال (تقریباً یکریمی انکلیز لیراسی) اعطا
ایتدکلری کبی اعانہ نک درج وجہ سندہ غیرت مخصوصہ کوسترمشلردر.
حبشستانک حرار جوارینہ مصادف شہرلرندہ بوآنہ دکن شہیندرک
معرفتله جمع وخارجیہ نظارتی واسطہ سیله دونامای جمعیتہ ارسال وایصال
اولنان مبالغک مجمل بر فہرستی «سبیل الرشاد» ک محترم قارئینہ
بیلدیرمک اوزرہ اشاغی یه یازیورم. اعانات دوام ایتکده در. باش شہیندرمز
بک بو دفعہ آدیس آباباہ مقرر اولان عزمتی حالندہ او جہتلرذن
خبلی اعانہ جمع اولنہ جنی قویاً مأمولدر.

حرار: ع.ع.

ایستہ عریضہ سندہ وعد ایتدیکم اعانہ نک مجمل فہرستی:

ساتم	فراق	
	۲۵۹۵	نفس حرارندن
	۱۲۳۰	حرار جوارندہ «جیغ جیغا» شہرندن
	۱۶۱۰	حرار ولایتندہ آواش وجوارندن
۹۲	۱۶۷۰	جیوتیدن
۵۰	۱۲۷	آدیس آبابادن
۴۲	۷۲۳۳	
۵۰	۱۶۲۶	حرار جوارندہ دیرہ داووددن
۴۲	۸۸۵۹	یکون

مکتبہ کات

اسلامیتک اوروپادہ انتشارہ باشلامسی

میس فرایزک شرف اسامیتی قبول مراسمی

اقدام رفیق مزک لوندرہ مخبر مخصوصنک یازدینی مکتوبدن مقتبدر:
بازار ایرتسی کونی ایدی، موحدین اسلامیہ «فاغستن هول» دنیلان
عمومی سالوندہ بر اجماع عقد ایلیورلردی. اسلامیہ، اساس اسلامیہ
دلہی علماسندن هندستانده، چینده، زاپونیا ده لسان وقلمیله نشر
اسلامہ چالیشان سرفراز حسین خان طرفندن برقونفرانس ویریلہ جکدی.
انکلتزه قرالی حضر تلرینک هند مسلمانلری نامنه مشاور خاصی بولنان
سید امیرعلی حضر تلری ده موقع ریاستی اشغال ایدیوردی. ساعت
درت بچقدہ سید امیرعلی طرفندن حضارہ تقدیم اولونان خطیب حسین
خان حضر تلری سوزینہ شویله باشلادی: